



Aningaasaqarnermut Naalakkersuisoq

TUAVIORTOQ

Aningaasaqarnermut Ataatsimiititaliap suliaq nr. 01.31.06/10-00508 pillugu tallimanngornermi ulloq 3. december 2010-mi aalajangiineranik Naalakkersuisunut ilisimatitsineq.

DIH-mi illup uiguisa pingajuannut aamma napparsimasunut inissiisarfimmut aningaasaliissuteqarnerunissamik pisariaqartitsineq

Naalakkersuisut inassutigaa,

- kontomi pingaarnermi 86.60.01-mi, Peqqinnissaqarfimmut tunngasumi, aningaasaliissutit 2010-mi 32,4 mio. koruuninik amerlineqassasut, taakkulu ima agguataarneqassasut; suliassamut nr. 060.46.015-imut, DIH-mi illup uiguisa pingajuannut tunngasumut, 16,0 mio. koruunit aamma suliassamut nr. 060.46.017-mut, Napparsimasunut akunnittarfimmut tunngasumut, 16,4 mio. koruunit, aamma
- kontomi pingaarnermi 83.30.12-mi, Utoqqarnut angerlarsimaffinnut tunngasumi, suliassamut nr. 060.44.032-mut, Nuummi Utoqqaat Illuannut Ippiarsummut, aningaasaliissutit 2010-mi 6,5 mio. koruuninik ikilineqassasut, aamma
- kontomi pingaarnermi 87.72.22-mi, Nunaqarfinni illoqarfinnilu inissialiortiternermut pilersaarummut tunngasumi, aningaasaliissutit katillugit 14,7 mio. kr.-inik ikilineqassasut, taakkulu ima agguataarneqassasut; suliaq nr. 998.35.015-imut, Nunaqarfinni illoqarfinnilu inissialiortiternermut pilersaarummut 2006-imut tunngasumut, 2010-mi 2,5 mio. kr.-it, suliaq nr. 998.35.016-imut tunngasumut, Nunaqarfinni illoqarfinnilu inissialiortiternermut pilersaarummut 2007-imut tunngasumut, 2010-mi 1,0 mio. kr.-it aammalu suliaq nr. 998.35.017-mut, Nunaqarfinni illoqarfinnilu inissialiortiternermut pilersaarummut 2008-mut tunngasumut, 2010-mi 11,2 mio. kr.-it, aamma
- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2010-mi 11,2 mio. koruuninik ikilineqassasut, aamma
- kontomi pingaarnermi 86.60.01-imi, Peqqinnissaqarfimmut tunngasumi, suliassamut nr. 060.46.017-imut, Napparsimasunut akunnittarfimmut tunngasumut, aningaasaliissutit 2011-mi 25,5 mio. koruuninik amerlineqassasut, aamma
- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2011-mi 25,5 mio. koruuninik ikilineqassasut, aamma
- kontomi pingaarnermi 86.60.01-imi, Peqqinnissaqarfimmut tunngasumi, suliassamut nr. 060.46.017-imut, Napparsimasunut akunnittarfimmut, aningaasaliissutit 2012-imi 2,0 mio. koruuninik amerlineqassasut, aamma
- kontomi pingaarnermi 80.00.00-mi, Sanaartornermut atugassanut agguanneqanngitsunut tunngasumi, aningaasaliissutit 2012-imi 2,0 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Suliami uani Aningaasaqarnermut Ataatsimiititaliap aalajangiinnginnermini apeqqutit ataani allassimasut apeqqutigeqqaarusuppai. Taamaattumillu Aningaasaqarnermut Ataatsimiititaliap ataatsimiittarfiani ataasinngornermi **ulloq 6. december 2010, nal. 15** ataatsimiititaliamit apersorneqarnissamut Ineqarnermut, Attaveqarnermut Angallannermullu Naalakkersuisoq aggersarneqarpoq. Naalakkersuisumik apersuineq telefonikkut ingerlanneqarsinnaavoq.

1. Aningaasaliissuteqarnissamik pisariaqartitsinerumut nassuiaatit ataatsimut isigalugu naatsuararsuartut ataatsimiititaliamit isigineqarput. Tamatumani minnerunngitsumik pineqarluni napparsimasunut akunnittarfik. Sanaartukkanut marlunnut aningaasaliissuteqaqinnissamik pisariaqartitsinerup erseqqinnerusumik nassuiaatigineqarnissaa kissaatigineqarpoq.
2. Sanaartugaq pisariaqarneratut paasisimasaqarfigineqanngitsoq isumaqarnarpoq. Sanaartukkap taassuma aquneqarneranut kinarpiaq akisussaasimava?
3. Nunaqarfinni isorliunerusunilu sanaartugassanut ukioq ataasikkaartumik immikkoortinneqartartunit 2006-meersunit, 2007-meersunit aamma 2008-meersunit aningaasanik nuussinissaq qinnutigineqarpoq. Assigiinngitsut pissutigalugit sanaartugassanit taakkunannga aningaasanik sinneqartoq A/S INI-mit paasissutissiissutigineqartoq ataatsimiititaliap ilisimavaa. Ataatsimiititaliamilli naleqqutinngilluinnartutut isigineqarpoq aningaasat qangali immikkoortitat taakku sanaartugassanut sillimmatitut agorneqarnerat. Minnerunngitsumik 2006-mi aamma 2007-imi immikkoortitanut tunngatillugu piffissaagallartillugu suliamik ingerlatsisoqarsimagaluarpat qulakkeerneqarsimassagaluarpoq immikkoortitat taakku aqqutigalugit sanaartugassat maanna naammassereersimanerat. Ajornartorsiut taanna Naalakkersuisunit qanorpiaq akiorniarnearpa? Aammalu ukioq ataasikkaartumik aningaasaliissutinit taakkunannga pisoqaanerusunit aningaasat allat qanoq amerlatigisut nuunneqarsinnaassappat?
4. Kontomut pingaarnermut 80.00.00-imut missingersuutitut ilanngussami allassimavoq Qinnorpumi kigutileriffissamut aningaasaliussamik peersisoqartoq. Tamatuma kingunerissavaa kigutileriffiup peerneqarnera, taamaassappallu tamanna naapertuutinngilluinnassaaq?
5. Kontomut pingaarnermut 83.30.12-imut missingersuutitut ilanngussami allassimavoq isummernissamut tunngavissiaq una akuersissutigineqassappat aningaasaliissutit sinneruttut minusimiilissasut. Tamanna qanoq nassuiarneqarsinnaava? Kukkusooqarsimappat Naalakkersuisup apersorneqarnerani missingersuutitut ilanngussamik eqqortumik nutartikkamillu tigusaqarnissani ataatsimiititaliap kissaatigaa.
6. Kontomut pingaarnermut 86.60.01-imut missingersuutitut ilanngussami suliassap allaaserinera naammangilluinnarpoq. Akisunerulerneranut tunuliaqutaasoq paasissutissiissutigineqanngilaq, taamaallaalli pissutsit ukiut siuliinut tunngasut innersuussutigineqarlutik. Taamaattumillu Naalakkersuisup apersorneqarnerani missingersuutitut ilanngussamik eqqortumik nutartikkamillu tigusaqarnissani ataatsimiititaliap kissaatigaa.
7. Sanaartugassanut ukiukkaartumik aningaasaliissutit atuinikinneruffiusimanerannut tunuliaqutaasoq kontomut pingaarnermut 87.72.22-mut missingersuutitut ilanngussami paasissutissiissutigineqanngilaq. Missingersuutitut ilanngussamik imaqarnerusumik paasissutissiinerusumillu Naalakkersuisup apersorneqarnerani tigusaqarnissani ataatsimiititaliap kissaatigaa.
8. Aningaasanut inatsisip ukiuani tullermi atorneqarnissaat siunertaralugu Sanaartornermut Iluarsaanermullu Aningaasaateqarfimmi uninngaannartussanngorlugit sanaartugassanut aningaasaliissutit atugassiissutigineqarnissaannik ukiup naalernerani qinnuteqartannginnissamik

Aningaasaqarnermut Ataatsimiititaliap kaammattuutaa suliame matumani Naalakkersuisut qanoq malinniarsimavaat?

9. Kontomut pingaarnermut 87.72.22-imut aningaasaliissutinik allanquineq eqqarsaatigalugu isummernissamut tunngavissiap kalaallisuuani danskisuuani inassuteqaatit tamakkiisumik imminnut naapertuuppat?

Aningaasaqarnermut Ataatsimiititaliap aalajangiinera

Siuliani allassimasut naapertorlugit Naalakkersuisumik apersuinissaq siunertaralugu Naalakkersuisut inassuteqaataannut isummernissani Aningaasaqarnermut Ataatsimiititaliap **kinguartippa**. Oqaatigisassat allattorsimaffiannik allakkiamilluunniit peqarpat taassuma assilineqarnerannik Naalakkersuisumik apersuinermi tunineqarnissani ataatsimiititaliap kissaatigaa.

Aningaasaqarnermut Ataatsimiititaliap sinnerlugu

Naaja Nathanielsen
Aningaasaqarnermut Ataatsimiititaliap siulittaasua